



Wanafunzi wa Shule za Sekondari za jiji la Dar es Salaam wakifuatilia mukutano wa Mabadiliko ya Tabianchi uliofanyika jijini Dra es Salaam jana. Picha na Michael Jamson

Serikali yaaswa kuacha 'porojo'

■ **Keneth Goliama na Stella Msaliboko**

WADAU mbalimbali wa mazingira nchini wamepinga hatua ya Tanzania

kujiunga na mikutano ya kimataifa

ya Mabadiliko ya Tabianchi na kutaka

fedha hizo zitumike katika kupanda

miti nchini kuitia Halmashauri na

serikali za vijiji.

Wakizungumza katika majadiliano

ya mabadiliko ya tabianchi walisema

haiingii akilini kuona fedha nyingi

zinatumiwa katika kuongoza

mikutano huku hali ya nchi ikiwa

katika janga.

Walisema serikali kuitia ofisi

ya Makamu wa Rais (Mazingira)

imekuwa ikitumia fedha nyingi katika

kuhakikisha inafanya mikutano ya

mazingira nchini na nje ya nchi

lakini hakuna kingine chochote

kinachoonekana hapa nchini katika

kukabiliana na mabadiliko ya tabianchi.

Walisema haiingii akilini iwapo

nchi zenyte viwanda vingi zimekataa

kusaini makubaliano ya Mabadiliko ya

Tabianchi lakini Tanzania inangangani

wakati kiwango cha Tanzania kuzalisha

joto ridi ni kidogo sana ukilinganisha na nchi zenyte viwanda vingi.

Mmoja wa wadau hao, George

Mzinda alisema Tanzania inaendelea

kufilisika kwa kila kitu kutokana na

kukosa sera madhubuti ya kufikiri

katika kupambana na mabadiliko ya

Tabianchi ndiyo maana kila kukicha

hali ya ujangwa inazidi kulikumba

Taifa. Walisema Tanzania inazalisha

mazao ambayo kimsingi ni hatari

kwa mazingira kama zao la tumbaku

lakini hakuna mtu wala taasisi

inayozungumzia tatizo la mazao

hatarishi yanayoathiri mazingira.

Kwa upande wake, mwakilishi Ofisi ya

Makamu wa Rais (Mazingira), Ladislaus

Kyaruzi alisema serikali inafanya kazi

kubwa katika kuhakikisha elimu ya

mazingira inafika kwa wanaanchi

ili kukabiliana na Mabadiliko ya

Tabianchi.

Alisema kutokana na mikutano wa

Mabadiliko ya Tabianchi (KIOTO)

uliofanyika Durban, Afrika Kusini

uliweza kukubaliana kuunda kamati

mbalimbali zitakazoweza kusaidia

katika kupambana na Mabadiliko ya

Tabianchi.